

四庫全書

史部

欽定四庫全書

大唐開元禮卷二十九

唐 蕭嵩等 撰

吉禮

皇帝夏至日祭方丘

祭后土
禮同

齋戒

陳設

省牲器

鑾駕出宮

奠玉帛

進熟

鑾駕還宮

齋戒

前祭七日平明太尉誓百官于尚書省曰某月某日祭
皇地祇于方丘各官各揚其職不供其事國有常刑皇
帝散齋四日于別殿致齋三日二日于太極殿一日于
行宮前致齋一日尚舍奉御設御幄于太極殿西序及
室內俱東向尚舍直長惟于前楹下致齋晝漏上水一刻
侍中版奏請中嚴諸衛之屬各督其隊入陳于殿庭如
常儀通事舍人引文武官五品以上陪位如式諸侍衛

之官各服其服諸侍臣並結珮俱詣閣奉迎

凡齋者則結珮

皇

帝服袞冕結珮出自西房曲直華蓋警蹕侍衛如常儀

皇帝即御座東向坐侍臣夾御衛侍如常一刻頃侍中

前跪奏稱侍中臣某言請降就齋室俛伏興還侍位皇

帝降座入室文武侍臣各還本司直衛如常凡預祭之

官散齋四日致齋三日

散齋皆于正寢致齋二日于本司一日于祭所其無本司者皆

于郊社及祭所

近侍之官應從升者及從祭羣官諸方客使各

于本司及公館清齋一宿散齋理事如舊惟不弔喪問

疾不作樂不判署刑殺文書不行刑罰不預穢惡致齋
惟祭事得行其餘悉斷其祭官已齋而闕者通攝行事

凡祭官致齋之日給酒食明衣各習禮于齋所光祿卿

監取明水火

太官令取水于陰鑒取火于陽燧火以供爨水以實尊

前祭二日太

尉告高祖神堯皇帝廟如常告之儀

告以配神作主

前祭一日

諸衛令其屬未後一刻各以其方器服守衛墻門

每墻門二

一人每隅一人

與太樂工人俱清齋一宿

陳設

前祭三日尚舍直長施大次于外壇東門之內道北南向尚舍奉御鋪座衛尉設文武大臣次于大次之後文官在左武官在右俱南向設諸祭官次于東壇之外道南北向西上三師于南壇之外道東諸王於三師之南俱西向北上文官九品以上于祭官之東北向西上介公鄩公于南壇之外道西東向諸州使人東方南方于王東南南向西方北方于介公鄩公西南東向皆北上諸國之客東方南方于諸州使人之南西向西方北方于諸

州使人之南東向皆北上武官三品以下七品以上于

西墻之外道南北向東上

其褒聖侯若在朝于文官三品以下設陳饌幔

于內墻東門西門之外道北南向

壇上及諸神東方南方之饌陳于東門外西向西方北方

之饌陳于西門外東向神州無西門之饌

前祭二日太樂令設宮懸之樂于壇南

內墻之外東方西方磬簾起北鐘簾次之南方北方磬簾起

西鐘簾次之設十二罇鐘于懸編之間各依辰位樹雷

鼓于北懸之內道之左右植建鼓于西隅置祝敔于懸

內祝在左設歌鐘歌磬于壇上近南北向磬簾在東鐘

敔在右

簾在西其匏竹者立于壇下重行北向相對為首

凡懸皆展

而編之

諸工人各位于懸後東方西方以北為上南方北

方以西為上右校埽除壇之内外又為瘞皌于壇之壬地内壝之外方深取足容物南出陞前祭一日奉禮設御位于壇之東南西向設望燎位于壇之西南當瘞皌北向設祭官公卿位于内壝東門之外道南分獻之官于公卿之南執事者位于其後每等異位俱重行西向北上設御史位于東南隅西向副位于西南隅東向設

奉禮位于樂懸東北贊者二人在南差退俱西向北上
設奉禮贊者位于瘞垣西南東南向南上設協律郎位于
壇上南陞之西東向設太樂令位于北懸之間當壇北
向設從祭之官位三師位于懸南道東諸王位于三師之
東俱北向西上介公鄺公位于道西北向東上文官從
一品以下九品以上位于執事之南每等異位重行西
向武官三品以下九品以上位于西方當文官每等異
位重行東向皆北上諸州使人位東方南方于諸王東

南重行北面西上西方北方于介公鄴公西南重行北面東上設諸國客使位于內壝南門之外東方南方于諸州使人之東每國異位重行北面西上西方北方于諸州使人之西每國異位重行北面東上設門外位祭官公卿以下于東壝之外道南每等異位重行北面西上三師位于南壝之外道東諸王于三師之南俱西向介公鄴公位於道西東向皆北上文官從一品以下九品以上位在東壝之外祭官之南每等異位重行北面西上

武官三品以下九品以上位于西墻之外道南每等異位重行北面東上諸州使人位東方南方于諸王東南重行西面西方北方于介公鄴公西南重行東面俱北上設諸國客使位東方南方于諸州使人之南每國異位重行西面西方北方于諸州使人之南每國異位重行東面皆北上牲腍于東墻之外當門西向黃牲一居前又黃牲一在北少退玄牲一在南少退設廩犧令位于牲西南祝史陪其後俱北向設諸太祝位于牲東各當牲後

祝史陪其後俱西向設太常卿省牲位于牲前近北南向設皇地祇酒樽于壇之上下太樽二著樽二犧樽二山壘一在壇上東南隅北向象樽二壺樽二山壘四在壇下皆于南陛之東北向俱西上設配帝著樽二犧樽二象樽二山壘二在壇上皆于皇地祇酒樽之東北向西上神州太樽二在第一等每方岳鎮海瀆俱山樽二山川林澤俱蜃樽二丘陵墳衍原隰井泉俱概樽二凡樽各設于神座之左而右向

神州以上之尊置于坫以下之尊俱藉以席皆加勺罍設爵于

尊下設御洗于壇南陞東南亞獻之洗又于東南俱北向
壘水在洗東篚在洗西南肆設壘洗篚罍各于其方陞
道之左俱内向執樽壘篚罍者各于樽壘篚罍之後各
設玉幣之篚于壇之上下樽坫之所祭日未明五刻太
史令郊社令各服其服帥其屬升設皇地祇神坐于壇
上北方南向設席以藁秸設高祖神堯皇帝座于東方
西向席以莞設神州地祇神坐第一等東南方席以藁
秸又設岳鎮海瀆以下之坐于內壝之內各依其方皆

有原隰丘陵墳衍之坐又設中岳以下之坐于壇之西南俱內向自神州以下六十八位席皆以莞席神位各于坐首

省牲器

省牲之日午後十刻去壇二百步所諸衛之屬禁斷行人晡後一刻諸行事之官郊社令令史及府史齋郎以樽坩罍洗篚罍入設于位晡後二刻謁者贊引各引祭官御史以下就位立定太祝與廩犧令以牲就牓位謁

者引御史太常卿升壇視滌濯行埽除于上降行樂懸于下御史太常卿降復位謁者進太尉之左白請就門外位謁者贊引各引祭官以下就門外位謁者引太常卿就省牲位南向立廩犧令少前白請省牲退復位太常卿省牲廩犧令又前北向舉手曰肅還本位諸太祝各循牲一匝西向舉手曰充俱還本位諸太祝與廩犧令以次牽牲詣厨授太官謁者引光祿卿詣厨省鼎鑊由視濯溉謁者贊引各引祭官詣厨省饌具訖俱還齋所

祭日未明十五刻太官令帥宰人以鷩刀割牲祝史以豆取毛血各置于饌所遂烹牲

鑾駕出宮

前三日本司宣攝內外各供其職尚舍設行宮于壇東南向隨地之宜衛尉設從祭官次于朝堂前二日太常令設宮懸之樂于殿庭如常儀

駕出懸而不作

祭日從祭羣官

六品以下諸州使人諸方客使俱先至並就次各服其

服祭日未明七刻槌一鼓爲一嚴

三嚴時節前一日侍中奏裁

侍中

奏開宮殿門及城門未明五刻槌二鼓為再嚴侍中版
奏請中嚴奉禮引從祭羣官五品以上文官位于東朝
堂前西向武官位于西朝堂前東向俱重行北上從祭
羣官俱集朝堂就次各服其服所司陳大駕鹵簿未明
二刻槌三鼓為三嚴諸衛之屬各督其隊與鉞戟以次
入陳于殿庭通事舍人引從祭羣官各就朝堂前位諸
侍衛之官各服其服侍中中書令以下俱詣西階奉迎
侍中員
寶如式乘黃令進玉輅于太極殿西階之前南面千牛

將軍一人執長刀立于輅前北向黃門侍郎一人在侍
臣之前贊者二人又在黃門之前侍中版奏外辦太僕
卿奮衣而升正立執轡皇帝服袞冕乘輿以出降自西階
稱警蹕如常儀千牛將軍前執轡皇帝升輅太僕卿立
授綬侍中中書令以下夾侍如常黃門侍郎當鑾駕前
跪奏稱黃門侍郎臣某言請鑾駕進發俛伏興退復位
凡黃門侍郎奏請皆進鑾駕前跪
奏稱某官臣某言訖俯伏興也 鑾駕動又稱警蹕黃
門侍郎與贊者夾引以出千牛將軍夾輅而趨駕出承

天門至侍臣上馬所黃門侍郎奏稱請鑾駕權停勅侍臣上馬侍中稱制曰可黃門侍郎退稱侍臣上馬贊者承傳文武侍臣皆上馬諸侍衛之官各督其屬左右翼駕在黃麾內符寶郎奉六寶與殿中監後部從在黃鉞內侍中中書令以下夾侍于輅前贊者在供奉官人內侍臣上馬畢黃門侍郎奏稱請勅車右升侍中稱制曰可黃門侍郎退復位千牛將軍升訖黃門侍郎奏稱請鑾駕發退復位鑾駕動稱警蹕如常不鳴鼓吹不得喧譁其

從祀之官在玄武隊如常儀

若須先署則聽臨時節度

奠玉帛

祭日未明三刻諸祭官各服其服郊社令良醞令各帥

其屬入實樽罍玉幣

凡六尊之次太尊為上實以汎齊著尊次之實以醴齊犧尊次之實

以盎齊象樽次之實以醴齊壺樽次之實以汎齊山罍為下實以清酒配帝著尊為上實以汎齊犧尊次之實以醴齊象尊次之實以盎齊山罍為下實以清酒神州太尊實以汎齊五方岳鎮海瀆之山尊實以醴齊山川林澤之蜃尊實以汎齊丘陵以下之散尊實以清酒玄酒各實于五齊之上尊禮神之玉皇地祇以黃琮其幣以黃配帝之幣亦如之神州之玉以兩珪有邸其幣以玄

太官令帥進饌者實

各方岳鎮以下之幣各從方色

諸簋簠各設于饌幔內未明二刻奉禮帥贊者先入就位贊

引引御史博士諸太祝及令史與執樽壘篚罍者入自

東門當壇南重行北面西上立定奉禮曰再拜贊者承

傳

凡奉禮有詞贊者皆承傳

御史以下皆再拜訖執樽壘篚罍者各

就位贊引引御史諸太祝詣東陛升行埽除于上令史

祝史行埽除于下訖引降就位駕至大次門外迴輅南

向將軍降立于輅右侍中進當鑾駕前跪奏稱侍中臣

某言請降輅俛伏興還侍位五品以上從祭之官皆就

壝外位太樂令帥工人二舞次入就位文舞入陳于懸
內武舞立于懸南道西謁者引司空入行埽除訖出復
位皇帝停大次半刻頃謁者贊引各引祀官通事舍人
分引從祀羣官介公鄺公諸方客使皆先入就位太常
博士引太常卿立于大次門外當門北向侍中版奏外
辦皇帝服袞冕出次華蓋侍衛如常儀侍中負寶
陪從如式博士
引太常卿太常卿引皇帝凡太常卿前導
皆博士先導至中壝門外
殿中監進大珪尚衣奉御又以鎮珪授殿中監受進皇

帝搢大珪執鎮珪華蓋仗衛停于門外近侍者從入謁者引禮部尚書太常少卿陪從如常儀皇帝至版

位西向立

每立定太常卿與博士退立于左

太常卿前奏稱請再拜退

復位皇帝再拜奉禮曰衆官再拜衆官在位者皆再拜

其先拜者不拜

太常卿前奏有司謹具請行事退復位協律郎

跪俛伏舉麾

凡取物皆跪俛伏而取以興奠物皆奠訖訖俛伏而後興

鼓祝奏順和

之樂乃以林鐘為宮太簇為角姑洗為徵南呂為羽作

文舞之舞樂舞八成

林鍾太簇姑洗南呂皆再成

偃麾戛敔樂止

凡樂皆協

律郎舉麾工鼓祝而後
作偃麾戛鼓而後止

太常卿前奏稱請再拜退復位

皇帝再拜奉禮曰衆官再拜衆官在位者皆再拜上下

諸祝俱取玉幣于篚各立于樽所太常卿引皇帝太和

之樂作

皇帝每行皆奏太和之樂

皇帝詣壇升自南陞侍中中書令

以下及左右侍衛量人從升

以下皆如之

皇帝升壇北向立

樂止太祝取玉于幣以授侍中侍中奉玉幣東向進皇

帝搢鎮珪受玉幣

凡受皆搢鎮珪跪奠訖俛伏興

登歌作肅和之樂以

應鐘之均太常卿引皇帝進北向跪奠于皇地祇神坐

俛伏興太常卿引皇帝少退北向再拜訖太常卿引皇帝立于東方西面又太祝以幣授侍中侍中北向進皇帝受幣太常卿引皇帝進東向跪奠于高祖神堯皇帝神坐俛伏興太常卿引皇帝少退東向再拜訖登歌止太常卿引皇帝樂作皇帝降自南陞還版位西向立樂止初皇帝將奠配帝之幣諸太祝奉玉幣各進奠于神坐諸太祝還樽所初羣官拜訖祝史各奉毛血之豆立于門外登歌止祝史奉毛血

正坐升自南陞配坐升自東陞其神州之坐升自己

陞諸太祝迎取于壇上各進奠于神坐前諸太祝與祝史退立于樽所

進熟

皇帝既升奠玉幣太官令出帥進饌者奉饌各陳于內壝門外謁者引司徒出詣饌所司徒奉皇地祇之俎初皇帝既至位樂止太官令引饌入俎初入門雍和之樂作以太簇之均

自後接神之樂皆用太簇

饌至陞樂止祝史俱進跪

徹毛血之豆降自東陞以出

皇地祇之饌升自南陞配帝之饌升自東陞神州之

饌升自

諸太祝迎取于壇上各設于神坐前

籩豆羞霽先徹乃升

簋簠既奠却

其蓋于下

設訖謁者引司徒太官令帥進饌者降自

東陞以出司徒復位諸太祝還樽所又進設岳鎮以下之饌
相次而畢太常卿引皇帝詣壘洗樂作皇帝至壘洗樂止侍
中跪取匱興沃水又侍中跪取盤興承水皇帝盥手黃門侍郎
跪取巾于匱興進皇帝悅手訖黃門侍郎受巾跪奠于
匱黃門侍郎又取匏爵于匱興進皇帝受爵侍中酌壘
水又侍中奉盤皇帝洗爵黃門侍郎又授巾皆如初皇

帝拭爵訖侍中奠盤匱黃門侍郎受巾奠于篚皆如常
太常卿引皇帝樂作皇帝詣壇升自南陞樂止謁者引
司徒升自東陞立于樽所齊郎奉俎從升立于司徒之
後太常卿引皇帝詣皇地祇酒樽所執樽者舉罍侍中
贊酌汎齊訖壽和之樂作皇帝每酌獻及飲
福皆作壽和之樂太常卿引
皇帝進皇地祇神坐前北向跪奠爵俛伏興太常卿引
皇帝少退北向立樂止太祝持版進于神坐之右東向
跪讀祝文曰維某年歲次月朔日子嗣天子臣某敢昭

告于皇地祇乾道運行日躔北至景風應序離氣效時
嘉承至和肅若舊典敬以玉帛犧齊粢盛庶品備茲祇
瘞式表誠慤高祖神堯皇帝配神坐主尚饗太祝俛伏
興皇帝再拜初讀祝文訖樂作太祝進跪奠版于神坐興
還樽所皇帝拜訖樂止太常卿引皇帝詣配帝酒樽所
執樽者舉冪侍中取爵于拈進皇帝受爵侍中贊酌汎
齊訖樂止太常卿引皇帝進高祖神堯皇帝神坐前東
向跪奠爵俛伏興太常卿引皇帝少退東向立樂止太

祝持版進于神坐前之左北向跪讀祝文曰維某年歲次
月朔日子孝曾孫開元神武皇帝臣某敢昭告于高祖
神堯皇帝時維夏至肅恭典訓用致祗祭于皇地祗惟
高祖德協二儀道兼三統禮膺光配敢率舊章謹以制
幣犧齊粢盛庶品肅雍明薦作主侑神尚饗太祝俛伏
興皇帝再拜初讀祝文訖樂作太祝進奠版于神坐興
還樽所皇帝拜訖樂止太常卿引皇帝進皇地祗神坐
前北向立樂作太祝各以爵酌上樽福酒合置一爵一

太祝持爵授侍中侍中受爵西向進皇帝再拜受爵跪
祭酒啐酒奠爵俛伏興太祝各率齋郎進俎太祝減神
坐前胙肉加于俎以胙肉共置一俎太祝持俎以授司
徒司徒奉俎西向進皇帝受以授左右謁者引司徒降
復位皇帝跪取爵遂飲卒爵侍中進受爵以授太祝太
祝受爵復于坫皇帝再拜興樂止太常卿引皇帝
樂作皇帝降自南陛還版位西向立樂止文舞入鼓柷
作舒和之樂出訖夏啟樂止武舞入鼓柷作舒和之樂

立定憂啟樂止皇帝獻將畢謁者引太尉詣壘洗盥手
洗匏爵訖謁者引太尉自東陞升壇詣皇地祇著樽所
執樽者舉罍太尉酌醴齊訖武舞作大合六律六同謁
者引太尉進皇地祇神坐前北向跪奠爵興謁者引太
尉少退北向再拜訖謁者引太尉詣配帝犧樽所取爵
于坫執樽者舉罍太尉酌醴齊訖謁者引太尉進高祖
神堯皇帝神坐前東向跪奠爵興謁者引太尉少退東
向再拜訖謁者引太尉進皇地祇神坐前北向立太祝

各以爵酌巵福酒合置一爵一太祝持爵進太尉之右
西向立太尉再拜受爵跪祭酒遂飲卒爵太祝進受爵復
于坫太尉興再拜訖謁者引太尉降復位初太尉獻將
畢謁者引光祿卿詣巵洗盥手洗匏爵升酌盞齊終
獻如亞獻之儀謁者引光祿卿降復位初太尉將升獻
謁者一人引獻官詣巵洗盥手洗匏爵訖升自己陞詣
酒樽所執樽者舉巵酌汎齊進奠于神州坐前引降還
本位謁者五人次引獻官各詣巵洗盥洗訖各詣酒樽

所俱酌醒齊訖引獻官各進奠爵于諸方岳鎮海瀆首
坐餘坐皆祝史助奠相次而畢引還本位又贊引五人
各引獻官詣壘洗盥洗詣酒樽所酌沈齊獻山川林澤
如岳鎮之儀訖又引獻官詣壘洗盥洗訖詣酒樽所俱
酌清酒獻丘陵以下及齋郎助奠如上儀訖各引還本位
武舞六成樂止舞獻俱畢上下諸祝各進徹豆還樽所
徹者遵豆各一奉禮曰賜胙贊者唱衆官再拜衆官在
少移于故處
位者皆再拜已飲福受胙者不拜順和之樂作太常卿前奏稱請

再拜退復位皇帝再拜奉禮曰衆官再拜衆官在位者皆再拜樂一成止太常卿前奏請就望座位太常卿引皇帝樂作皇帝就望座位北向立樂止於羣官將拜上下諸祝各執篚進神坐前取玉帛齋郎以俎載神州以上牲體稷黍飯爵酒各由其幣降壇北行當瘞炤西行諸太祝以玉帛饌物置于炤諸祝又以岳鎮以下之禮幣及牲體皆從瘞奉禮曰可瘞炤東西廂各六人寘土半炤太常卿前奏禮畢太常卿引皇帝還大次樂作皇

帝出中趨門殿中監前受鎮珪以授尚衣奉御殿中監
又前受大珪華蓋侍衛如常儀皇帝入次樂止謁者贊
引引祭官通事舍人分引從祭羣官諸方客使以次出
贊引引御史以下俱復執事位立定奉禮曰再拜御史
以下皆再拜贊引引出工人二舞以次出其祝版燔于
齋所

鑾駕還宮

皇帝既還大次侍中版奏請解嚴

將士不得
輒離部伍

皇帝停大

次一刻頃槌一鼓為一嚴轉仗衛于還途如來儀三刻
頃槌二鼓為再嚴將士布隊仗侍中版奏請中嚴皇帝
服通天冠絳紗袍諸祭官服朝服五刻頃槌三鼓為三
嚴通事舍人贊引各引羣官客使序立于次前文武侍
臣詣大次奉迎乘黃令進金輅于大次門外南向千牛
將軍立于輅右侍中版奏外辦太僕卿升執轡皇帝出
次警蹕侍衛如常儀皇帝升輅太僕卿立授綬黃門侍
郎奏稱請鑾駕發引退復位鑾駕動稱警蹕如常儀黃

門侍郎夾引以出千牛將軍夾輅而趨至侍臣上馬所
黃門侍郎奏稱請鑾駕權停勅侍臣上馬贊者承傳唱
侍臣上馬文武侍臣皆上馬上畢黃門侍郎奏稱請勅
車右升侍中稱制曰可黃門侍郎退復位千牛將軍升
黃門侍郎奏稱請鑾駕發引退復位駕動鼓吹振作而
還文武羣官皆從如來儀諸方客使便還館駕至承天
門外至侍臣下馬所鑾駕權停文武侍臣皆下馬千牛
將軍降立于輅右侍臣下馬訖鑾駕動千牛將軍夾輅

而趨駕入嘉德門太樂令撞蕤賓之鐘左五鐘皆應鼓
祝奏采茨之樂至太極門戛敔樂止入太極門鼓祝奏
太和之樂駕至橫街北東當東上閤迴輅南向侍中進
當鑾駕前跪奏稱侍中臣某言請降輅俛伏興還侍位
皇帝降輅入侍臣從至閤戛敔樂止初文武羣官至承
天門外通事舍人承旨勅羣臣並還皇帝既入侍中版
奏請解嚴叩鉦將士各還其所

大唐開元禮卷二十九

欽定四庫全書

大唐開元禮卷三十

唐 蕭嵩等 撰

吉禮

夏至祭方丘有司攝事

齋戒

陳設

省牲器

奠玉帛

進熟

齋戒

前祭七日平明太尉誓百官于尚書省曰某月某日祭
皇地祇于方丘各揚其職不供其事國有常刑凡預祭
之官散齋四日致齋三日

散齋皆于正寢致齋二日于本司一日于祭所其無本司

者皆于祭所

散齋理事如舊惟不弔喪問疾不作樂不判署

刑殺文書不行刑罰不預穢惡致齋惟祭事得行其餘
悉斷其祭官已齋而闕者通攝行事諸祀官致齋之日

給酒食及明衣各習禮于齋所光祿卿監取明水

火

令取火于陽燧取水于陰鑒火以供爨水以實尊

前祭二日太尉告高祖神堯

皇帝廟如常告之儀

告以配神作主之意

前祭一日諸衛令其屬

未後一刻各以其方器服守衛墻門

每門二人每隅一人

與太樂

工人俱清齋一宿

陳設

前祭三日衛尉設祭官公卿以下之次于東墻之外道

南北面西上設陳饌慢于內墻東門之外道北南向

壇上及神

州東方南方之饌陳于東門外西向西方北方之饌陳于西門外東向神州無西門之饌

前祭二日太樂

令設宮懸之樂于壇南內墻之外東方西方磬簾起北鐘簾

次之南方北方磬簾起西鐘簾次之設十二鐃鐘于編懸之間各依辰位樹雷鼓于北懸之內道之左右植建

鼓于西隅置祝敔于懸內

祝在左
敔在右

設歌鐘歌磬于壇上

近南北向磬簾在西鐘簾在東其匏竹者立于壇下重

行北向相對為首

凡懸皆展
而編之

諸工人各位于懸後東方

西方以北為上南方北方以西為上右校埽除壇之內外又為瘞瘠于壇之壬地內壝之外方深取足容物南出陞前祭一日奉禮設祭官公卿位于內壝東門之外

道南分獻之官于公卿之南執事者位于其後每等異位俱重行西向北上設望瘞位當瘞埽之南北向設御史位于壇上正位于東南隅西向副位于西南隅東向令史各陪其後于壇下設奉禮位于樂懸東北贊者二人在南差退俱西向北上又設奉禮贊者位于瘞埽西南東向南上設協律郎位于壇上南陛之西東向設太樂令史位于北懸之間當壇北向又設祭官公卿以下門外位于東壝之外道南每等異位重行北向西上設

牲勝于東壝之外當門西向黃牲一居前又黃牲一在北少退玄牲一在南少退設廩犧令位于牲西南祝史陪其後俱北向設諸太祝位于牲東各當牲後祝史陪其後俱西向設太常卿省牲位于牲前近北南向設皇地祇酒樽于壇之上下太樽二著樽二犧樽二山罍二在壇上東南隅北向象樽二壺樽二山罍一在壇下南陞東北向西上設配帝著樽二犧樽二象樽二山罍二在壇上于皇地祇酒樽之東北向西上神州太樽二在第一

等每方岳瀆海鎮俱山樽二山川林澤各蜃樽二丘陵

墳衍原隰各散樽二凡樽各設于神坐之左而右向神州

以上之樽置于坵岳鎮以下之尊俱藉以席皆加勺罍設爵于尊下設洗于壇南陞東南

北向罍水在洗東篚在洗西南肆篚實以巾爵設罍洗篚罍

各于其方陞道之左俱内向執樽罍篚罍者各于樽罍

篚罍之後置玉幣之篚于壇之上下樽坵之所祭日未

明五刻太史令郊社令升設皇地祇神坐于壇上北方

南向席以藁秸設高祖神堯皇帝坐于東方西向席以

莞設神州地祇神坐于第一等東南方席以藁秸又設岳鎮以下之坐于內壇之內各于其方嵩岳以下之坐于壇之西南俱內向席以莞設神位各于座首

省牲器

省牲之日午後十刻去壇二百步所諸衛禁斷行人晡後一刻郊社令帥府史三人及齋郎以樽坩罍洗篚罍入設于位晡後二刻諸太祝與廩犧令以牲就牓位謁者引太常卿贊引引御史詣壇東陞升視滌濯于上

視于

滌濯執尊者
皆舉器告潔

太常卿就省牲位南向立廩犧令少前白
請省牲退復位太常卿省牲廩犧令又前北向舉手曰
臚還本位諸太祝各循牲一匝西向舉手曰充俱還本
位諸太祝與廩犧令以次牽牲詣厨授太官謁者引光
祿卿詣厨省鼎鑊申視濯漑謁者贊引各引祭官就厨
省饌具訖俱還齋所祭日未明十五刻太官令帥宰人以
鷹刀割牲祝史以豆取毛血各置于饌所遂烹牲

奠玉帛

祭日未明三刻諸祭官各服其服郊社令各帥其屬入

實樽罍玉幣

凡六尊之次太尊為上實以汎齊著尊次之實以醴齊犧尊次之實以盎齊象尊次

之實以醴齊壺尊次之實以沈齊山罍為下實以清酒配帝著尊為上實以汎齊犧尊次之實以醴齊象尊次之實以盎齊

山罍為下實以清酒神州太尊實以汎齊五方岳鎮海瀆之山尊實以醴齊山林川澤之屬尊實以沈齊丘陵以下之散

尊實以清酒玄酒各實于諸坐之上尊禮神之玉帛地祇以黃琮其幣以黃配帝之幣亦如之神州之玉以兩

珪有卽其幣以玄五方岳鎮以下幣各從方色太官令帥進饌者實諸籩豆簋

簋各設于內壝之外饌幔內未明二刻奉禮帥贊者先

入就位贊引引御史博士諸太祝令史與執樽罍篚罝

者入自東門當壇南重行北面西上立定奉禮曰再拜

贊者承傳

凡奉禮有詞贊者皆承傳

御史以下皆再拜訖執樽壘篚

纂者各就位贊引引御史諸太祝詣壇東陞御史一人

太祝二人升行埽除于上御史一人太祝七人行埽除

于下訖引降就位未明一刻太樂令帥工人二舞次入

就位文舞入陳于懸內武舞立于懸南道西謁者引司

空入行埽除如常儀初司空入謁者引祭官贊引引執

事者就壝外位司空行埽除謁者贊引各引祭官次入

就位立定奉禮曰衆官再拜衆官在位者皆再拜

其先拜者

不拜謁者進太尉之左白有司謹具請行事退復位協律郎

跪俯伏舉麾

凡取物者皆跪俛伏而取以興奠物則奠訖俛伏而後興

鼓枹奏順和

之樂乃以林鐘為宮太簇為角姑洗為徵南呂為羽

林鐘

太簇姑洗南呂各再奏

作文舞之舞樂舞八成偃麾戛敵樂止

凡樂

皆協律郎舉麾工鼓枹而後作偃麾戛敵而後止

奉禮曰衆官再拜衆官在位

者皆再拜上下諸祝俱取玉幣于篚立于樽所謁者引太

尉詣南陛升壇北向立太祝加玉于幣東向授太尉受玉幣

登歌作肅和之樂以應鐘之均謁者引太尉北向進跪奠于皇地祇神坐興謁者引太尉少退北向再拜訖謁者引太尉立于東方西向又太祝奉幣北向授太尉太尉受幣謁者引太尉進東向跪奠于高祖神堯皇帝神坐興謁者引太尉少退東向再拜訖登歌止謁者引太尉降自南陛還本位初太尉奠配帝之幣神州以下諸太祝各奉玉幣進奠于神坐還樽所初衆官拜訖祝史各奉毛血之豆立于門外于登歌止祝史奉毛血入

正坐

升自南陞配坐升自東陞神州升自己陞諸太祝迎取于壇上各奠于神坐

前諸太祝與祝史退立于樽所

進熟

太尉既升奠玉幣太官令出帥進饌者奉饌各陳于內壝門外謂者引司徒出詣饌所司徒奉皇地祇之俎諸

太祝既奠毛血太官令各引饌入俎初入門雍和之樂

作以太簇之均

自後接神之樂皆以太簇為均

饌至陞樂止祝史俱進

徹毛血之豆降自東陞以出

皇地祇之饌升自南陞配帝之饌升自東陞神州之

饌升自
已陞

諸太祝迎引于壇上各設于神坐前

籩豆蓋霏
先徹乃升

籩簠既奠却
其蓋于下

設訖謁者引司徒太官令帥進饌者降自

東陞以出司徒復位諸太祝還樽所又進設岳鎮以下

之饌相次而畢初壇上設饌訖謁者引太尉詣壘洗盥手

洗匏爵訖謁者引太尉升自南陞詣皇地祇酒樽所執

樽者舉冪太尉酌汎齊訖樂作謁者引太尉進皇地祇

神坐前北向跪奠興謁者引太尉少退北向立樂止太

祝持版進于神坐之右東向跪讀祝文曰維某年歲次

月朔日子嗣天子臣某謹遣太尉臣名敢昭告于皇地祇乾道運行日躔北至景風應序離氣效時嘉承至和肅若舊典敬以玉帛犧牲粢盛庶品備茲祗瘞式表誠慤高祖神堯皇帝配神作主尚饗訖興太尉再拜初讀祝文訖樂作太祝進奠版于神坐還樽所太尉拜訖樂止謁者引太尉詣配帝酒樽所取爵于坫執樽者舉罍太尉酌汎齊訖樂作謁者引太尉進高祖神堯皇帝神坐前東向跪奠爵興謁者引太尉少退東向立樂止太祝

持版進于神坐之左北向跪讀祝文曰維某年歲次月朔日子孝曾孫開元神武皇帝臣某謹遣太尉某官臣某敢昭告于高祖神堯皇帝時維夏至肅恭訓典用致祇祭于皇地祇伏惟高祖德協二儀道兼三統禮應光配敢率舊章謹以制幣犧齊粢盛庶品肅雍明薦作主侑神尚饗訖興太尉再拜初讀祝文訖樂作太祝進奠版于神坐還樽所太尉拜訖樂止謁者引太尉進皇地祇神坐前北向立太祝各以爵酌疊福酒合置一爵

一太祝持爵進太尉之右西向立太尉再拜受爵跪祭酒啐酒奠爵興太祝各率齋郎進俎太祝減神前胙肉加于俎以胙肉共置一俎太祝持俎西向授太尉太尉受以授齋郎太尉跪取爵遂飲卒爵太祝進受爵復于坵太尉興再拜謁者引太尉降復位文舞出鼓祝作舒和之樂出訖夏啟樂止武舞入鼓祝作舒和之樂立定夏啟樂止初太尉獻將畢謁者引太常卿詣壘洗盥手洗匏爵訖謁者引太常卿自東陞升壇詣皇地祇著樽

所執樽者舉冪太常卿酌醴齊武舞作謁者引太常卿
進皇地祇神坐前北向跪奠爵興謁者引太常卿少退
北向再拜訖謁者引太常卿詣配帝犧樽所取爵于拈
執樽者舉冪太常卿酌醴齊謁者引太常卿進高祖神
堯皇帝神坐前東向跪奠爵興謁者引太常卿少退東
向再拜訖謁者引太常卿進皇地祇神坐前北向立太
祝各以爵酌鬯福酒合置一爵一太祝持爵進太常卿之
右西向立太常卿再拜受爵跪祭酒遂飲卒爵太祝進

受爵復于坵太常卿再拜謁者引太常卿降復位初太
常卿獻將畢謁者引光祿卿詣罍洗盥手洗匏爵升酌
盞齊終獻如亞獻之儀訖謁者引光祿卿降復位初太
常卿將升獻謁者引獻官詣罍洗盥手洗匏爵訖升自
已陞詣酒樽所執樽者舉罍酌汎齊進奠于神州坐前
引還本位謁者五人次引獻官各詣罍洗盥洗訖各詣
酒樽所俱酌醍齊訖引獻官各進奠爵于諸方岳鎮海
瀆首坐餘坐皆祝史助奠相次而畢引還本位又贊者五

人各引獻官詣罍洗盥洗詣酒樽所酌沈齊獻山川林
澤如岳鎮之儀訖又引獻官詣罍洗盥洗詣酒樽所俱
酌清酒獻丘陵以下及齋郎助奠如上儀訖各引還本
位武舞六成樂止舞獻將畢上下諸祝各進徹豆還樽
所徹者籩豆各一少移于故處奉禮曰賜胙贊者唱衆官再拜衆官

在位者皆再拜

已飲福受福昨者不拜

順和之樂作奉禮曰衆官再

拜衆官在位者皆再拜樂一成止謁者進太尉之左白
請就望瘞位謁者引太尉就望瘞位北向立于羣官將

拜上下諸祝各執篚進神坐前取玉幣齋郎以俎載神
州以上牲體稷黍飯爵酒各由其陞降壇北行當瘞埴
西行諸太祝以玉幣饌物置于埴諸祝史以岳鎮以下
之禮幣及牲體皆從瘞奉禮曰可瘞埴東西面各六人
實土半埴謁者進太尉之左白禮畢謁者引太尉出又
謁者贊引各引祭官以次出贊引引御史以下俱復執
事位立定奉禮曰再拜御史以下皆再拜贊引引出工
人二舞以次出其祝版燔于齋所

大唐開元禮卷三十

欽定四庫全書

史部

大唐開元禮卷三十一至

六

詳校官編修臣曹錫齡

編修臣程嘉謨覆勘

總校官編修臣王燕緒

校對官中書臣吳俊

謄錄監生臣胡觀瀾

欽定四庫全書

大唐開元禮卷三十一

唐 蕭嵩等 撰

吉禮

皇帝孟冬祭神州於北郊

齋戒

陳設

省牲器

鑾駕出宮

奠玉帛

進熟

鑾駕還宮

齋戒

將祭有司卜日如別儀前祭七日平明太尉誓百官於

尚書省曰某月某日祭神州北祇於北郊各揚其職不

供其事國有常刑皇帝散齋四日致齋三日如方丘之

儀凡預祭之官散齋四日致齋三日

散齋俱於正寢致齋二日於本司一

日於祭所其無本司者皆於祭所

近侍之官應從升者及從祭羣官諸

方客使各於本司及公館清齋一日

無本司者各於正寢

散齋理

事如舊惟不弔喪問疾不作樂不判署刑殺文書不行

刑罰不預穢惡致齋惟祭事得行其餘悉斷其祭官已

齋而闕者通攝行事諸祀官致齋之日給酒食及明衣

各習禮於齋所光祿卿監取明水火

太官令取水於陰鑒取火於陽燧火

以供爨水以實尊

前二日太尉告太宗文武聖皇帝廟如常告

之儀

告以配神作主

前一日諸衛令其屬未後一刻各以其方

器服守衛墻門與太樂工人俱清齋一宿

陳設

前祭三日尚舍直長施大次於外墻東門之內道北南

向尚舍奉御於道南北向設御座衛尉設陳饌幔於內
壝東門之外道北南向設文武侍臣次又設祭官及從
祭羣官諸州使人蕃客等次如方丘之儀前祭二日太
樂令設官懸之樂於壇南內壝之內設歌鐘歌磬石校
掃除壇之内外又為瘞瘠於壇之壬地內壝之外方深
取足容物南出陛前祭一日奉禮郎設御位及望瘞位
及祭官位從祭羣官諸州府使人蕃客等位於內壝之
內皆如方丘之儀設牲牓於東壝之外當門西向立牲

一居前配帝玄牲一少退南上設廩犧令位於牲西南
祝史陪其後俱北向設諸太祝位於牲東各當牲後祝
史陪其後俱西向設太常卿省牲位於牲前近北南向設
神州地祇酒樽於壇之上下太樽二著樽二犧樽二山罍
二在壇上於東南隅北向象樽二壺樽二山罍四在壇
下皆於南陛之東北向西上設配帝著樽二犧樽二象樽
二山罍二在壇上於神州酒樽之東陛東南亞獻之洗又
於東南俱北向罍水在洗東篚在洗西南肆

篚實以
巾爵執

樽罍篚幕者各於樽罍篚幕之後各設玉幣之篚於壇之上下樽坫之所祭日未明五刻太史令郊社令升設神州地祇神坐於壇上北方南向席以橐秸設太宗文武聖皇帝神坐於東方西向席以莞設神位各於坐首

省牲器

省牲之日午後十刻去壇二百步所諸衛之屬禁斷行人晡後二刻諸行事之官各服其服郊社令帥府史二人及齋郎以樽坫罍洗篚幕入設於位太祝廩犧令以

牲就勝位贊引引御史謁者引太常卿詣壇東陞升視滌濯

於上

於視濯執尊者皆舉羅告潔

訖引太常卿降復位謁者進太尉

之左白請就門外位謁者贊引各引祭官以下就門外

位謁者引太常卿就省牲位南向立廩犧令少前曰請

省牲退復位太常卿省牲廩犧令又前北面舉手曰脂

還本位諸太祝各循牲一匝西向舉手曰充俱還本位諸

太祝與廩犧令以次牽牲詣厨授太官謁者引光祿卿

詣厨省鼎鑊申視濯溉謁者贊引各引祭官就厨省饌

具訖俱還齋所祭日未明十刻太官令帥宰夫以鸞刀
割牲祝史以豆取毛血各置於饌所遂烹牲

鑾駕出宮如方丘之儀

奠玉帛

祭日未明三刻諸祭官各服其服郊社令良醢令各帥

其屬入實樽罍玉幣

凡六尊之次太尊為上實以汎齊
著尊次之實以醴齊犧尊次之實

以盎齊象尊次之實以醍齊壺尊次之實以沈齊山罍為下
實以清酒配帝著尊為上實以汎齊犧尊次之實以醴齊象
尊次之實以盎齊山罍為下實以清酒玄酒各實
於五齊之上尊禮神之玉以兩珪有邸幣以玄

太官令帥

進饌者實諸籩豆簋簠入各設內壝之外饌幔內未明
三刻奉禮帥贊者先入就位贊引引御史博士諸太祝
及令史祝史與執樽罍篚冪者入自東門當壇南重行
北面西上立定奉禮曰再拜贊者承傳

凡奉禮有詞贊者皆承傳御

史以下皆再拜訖執樽罍篚冪者各就位贊引引御史
諸太祝詣壇東陞升行掃除於上令史祝史行掃除於
下訖各引就位駕將至謁者贊引各引祭官及從祭羣
官諸方客使先至者俱就門外位駕至大次門外迴輅

南向將軍降立於輅右侍中進當鑾駕前跪奏稱侍中臣某言請降輅俛伏興還侍位皇帝降輅之大次謁者引文武五品以上從祭之官皆就壝外位太樂令帥工人二舞以次入就位文舞八陳於懸內武舞立於懸南道西謁者引司空入行掃除訖出復位如常儀訖引就壝外位皇帝停大次半刻頃謁者贊引各引從祭羣官介公鄺公諸方客使皆先入就位太常博士引太常卿立於大次門外當門北向侍中版奏外辨皇帝服大裘而冕

出次華蓋侍衛如常儀

侍中員外郎陪從如式

博士引太常卿太常

卿引皇帝

凡太常前導皆博士先引

至內墻門外殿中監進大珪尚衣奉

御又以鎮珪授殿中監殿中監受進皇帝搢大珪執鎮珪

華蓋侍衛停於門外近侍者從入如常謁者引禮部尚

書太常少卿陪從如常皇帝至版位西向立

每立定太常與博士

退立於左

謁者贊引各引祭官次入就位立定太常卿前奏

稱請再拜退復位皇帝再拜奉禮曰衆官再拜衆官在

位者皆再拜

其先拜者不拜

太常卿前奏有司謹具請行事退復

欽定四庫全書

大唐開元禮
卷三十一

六

位協律郎跪俛伏舉麾

凡取物者皆跪俛伏而取以興奠物則奠訖俛伏而授興鼓

祝奏順和之樂乃以林鐘之均作文舞之舞樂舞八成

偃麾戛敔樂止

凡樂皆協律郎舉麾工鼓祝而後作偃麾戛敔而後止

太常卿前

奏稱請再拜退復位皇帝再拜奉禮曰衆官再拜衆官

皆再拜諸太祝俱取玉幣於篚各立於樽所太常卿引

皇帝太和之樂作

皇帝每行皆作太和之樂

皇帝詣壇升自南陛

侍中中書令以下及左右侍衛量人從升

以下皆如之

皇帝

升壇北面立樂止太祝加玉於幣以授侍中侍中奉玉

帛東向進皇帝搢鎮珪受玉帛

凡受物皆搢鎮珪
奠訖執珪俛伏興

登歌

作肅和之樂乃以應鍾之均太常卿引皇帝進北面跪
奠於神州地祇神坐俛伏興太常卿引皇帝少退北面
再拜訖太常卿引皇帝立於西方東向又太祝以幣授
侍中侍中奉幣北向進皇帝受幣太常卿引皇帝進東
面跪奠於太宗文武皇帝神坐俛伏興太常卿引皇帝
少退東向再拜訖登歌止太常卿引皇帝樂作皇帝降
自南陛還版位西向立樂止初羣臣再拜訖祝史各奉

欽定四庫全書

大唐御元禮
卷三十一

七

毛血之豆立於門外登歌止祝史奉毛血入升

正坐升
自南陞

配坐升
自東陞

諸太祝迎取於壇上俱進奠於神坐前諸太祝

與祝史退立於樽所

進熟

皇帝既升奠玉帛太官令出帥進饌者奉饌陳於內壝
門外謁者引司徒出詣饌所司徒奉神州之俎初皇帝
既至位樂止太官令引饌入俎初入門雍和之樂作饌
至陞樂止祝史俱進徹毛血之豆降自東陞以出神州

之饌升自南陛配帝之饌升自東陛諸太祝迎引於壇

上各設於神坐前

籩豆蓋羃先徹乃升籩簋既奠却其蓋於下

設訖謁者引

司徒太官令帥進饌者降自東陛以出司徒復位諸太祝還樽所太常卿引皇帝詣壘洗樂作皇帝至壘洗樂止侍中跪取匱興沃水又侍中跪取盤興承水皇帝盥手黃門侍郎跪取巾於篚興進皇帝悅手訖黃門侍郎受巾跪奠於篚黃門侍郎又取匏爵於篚興進皇帝受爵侍中酌壘水又侍中奉盤皇帝洗爵黃門侍郎又受

巾皆如初皇帝拭爵訖侍中奠盤匱黃門侍郎受巾奠
於篚皆如常太常卿引皇帝樂作皇帝詣壇升自南陛
樂止謁者引司徒升自東陛立於樽所齋郎奉俎從升
立於司徒之後太常卿引皇帝詣神州酒樽所執樽者
舉幕侍中贊酌汎齊訖壽和之樂作

皇帝每獻酌及飲
福皆作壽和之樂

皇帝進神州地祇神坐前北向跪奠爵俛伏興太常
卿引皇帝少退北向立樂止太祝持版進於神坐之右
東面跪讀祝文曰維某年歲次月朔日子嗣天子臣某

敢昭告於神州皇地祇惟祇色函區夏載植羣生溥被
域中賴茲厚德式遵彝典揀此元辰敬以玉帛犧齊粢
盛庶品明獻厥誠備茲禋瘞皇曾祖太宗文武聖皇帝
配神作主尚饗訖興皇帝再拜初讀祝文訖樂作太祝
進奠版於神坐還樽所皇帝拜訖樂止太常卿引皇帝
詣配帝酒樽所執樽者舉冪侍中取爵於坫皇帝受爵
侍中贊酌汎齊訖樂作太常卿引皇帝進太宗文武聖
皇帝神坐前東向跪奠爵俛伏興太常卿引皇帝少退

東向立樂止太祝持版進於神坐之左北面跪讀祝文
曰維某年歲次月朔日子孝曾孫開元神武皇帝臣某
敢昭告于皇曾祖太宗文武聖皇帝令月嘉時祇依恒
禮用致瘞祭於神州皇地祇惟皇曾祖叶彼乾坤格于
上下昭配之義欽率典常謹以制幣犧齊粢盛庶品虔
恭明薦作主侑神尚饗訖興皇帝再拜初讀祝文訖
樂作太祝進奠版於神坐還樽所皇帝拜訖樂止太常卿
引皇帝進神州地祇神坐前北向立樂作太祝各以爵

酌上樽福酒合置一爵一太祝持爵授侍中侍中受爵
西向進皇帝再拜受爵跪祭酒啐酒奠爵俛伏興太祝
各帥齋郎進俎太祝減神前胙肉加於俎共致一俎上
太祝持俎以授司徒司徒奉俎西向進皇帝受以授左
右謁者引司徒降復位皇帝跪取爵遂飲卒爵侍中進
受爵以授太祝太祝受爵復於坵皇帝俛伏興再拜樂
止太常卿引皇帝樂作皇帝降自南陛還版位西向立
樂止文舞出鼓柷作舒和之樂出訖夏啟樂止武舞入

鼓枳作舒和之樂立定戛鼓樂止皇帝獻將畢謁者引
太尉詣壘洗盥手洗匏爵訖謁者引太尉自東陞升壇
詣神州著樽所執樽者舉罍太尉酌醴齊武舞作謁者
引太尉進神州地祇神坐前北向立跪奠爵興謁者引
太尉少退北向再拜訖謁者引太尉詣配帝犧樽所取
爵於坫執樽者舉罍太尉酌醴齊謁者引太尉進太宗
文武聖皇帝神坐前東向跪奠爵興謁者引太尉少退
東向再拜謁者引太尉進神州地祇神坐前北向立太

祝各以爵酌壘福酒合置一爵一太祝持爵進太尉之
右西向立太尉再拜受爵跪祭酒遂飲卒爵太祝進受
爵復於坫太尉興再拜謁者引太尉降復位初太尉獻
將畢謁者引光祿卿詣壘洗盥手洗匏爵升酌盎齊終獻如
亞獻之儀訖謁者引光祿卿降復位武舞六成樂止舞獻俱畢
諸太祝各進徹豆還樽所徹者邊豆各一少移於故處奉禮曰賜胙
贊者唱衆官再拜衆官皆再拜已飲福受胙者不拜順和之樂作
太常卿前奏稱請再拜退復位皇帝再拜奉禮曰衆官

再拜衆官皆再拜樂一成止太常卿前奏請就望瘞位
太常卿引皇帝樂作皇帝就望瘞位西向立樂止於羣
官將拜諸太祝各執篚進神坐前取玉帛齋郎以俎載
牲體稷黍飯爵酒各自其陞降壇北行當瘞塹西行以
玉帛饌物置於塹訖奉禮曰可瘞塹東西廂各六人寘
土半塹太常卿前奏禮畢太常卿引皇帝還大次樂作
皇帝出內壝門殿中監前受鎮珪以授尚衣奉御殿中
監又前受大珪華蓋侍衛如常儀皇帝入次樂止謁者

贊引各引祭官及從祭羣官諸方客使以次出贊引引御史以下俱復執事位立定奉禮曰再拜御史以下皆再拜贊引引出工人二舞以次出其祝版燔于齋所

鑾駕還宮如方丘之儀

大唐開元禮卷三十一

欽定四庫全書

大唐開元禮卷三十二

唐 蕭嵩等 撰

吉禮

孟冬祭神州於北郊有司攝事

齋戒

陳設

省牲器

奠玉幣

進熟

齋戒

將祭有司卜日如別儀前祭七日平明太尉誓百官於尚書省曰某月某日祭神州地祇於北郊各揚其職不供其事國有常刑凡預祭之官散齋四日致齋三日

散齋

皆于正寢致齋二日于本司一日于祭所其無本司者皆于祭所

散齋理事如舊惟不

弔喪問疾不作樂不判署刑殺文書不行刑罰不預穢惡致齋唯祭事得行其餘悉斷其祭官已齋而闕者通

攝行事諸祀官致齋之日給酒食明衣各習禮於齋所

光祿卿監取明水火

太官令取水於陰鑒取火于陽燧火以供爨水以實尊

前祭

二日太尉告太宗文武聖皇帝廟如常告之儀

告以配神作主

前祭一日諸衛令其屬未後一刻各以其方器服守衛

壝門

每門二人
每隅一人

與太樂工人俱清齋一宿

陳設

前祭三日衛尉設祭官公卿以下次於東壝之外道南北
向前祭二日太樂令設宮懸之樂於壇南內壝之內設歌
鐘歌磬右校掃除壇之內外又為瘞瘠於壇之壬地內壝
之外方深取足容物南出陛前祭一日奉禮設望瘞位及

祭官公卿位於內壝之外如方丘之儀設牲牐於東壝之外當門西向玄牲一居前配帝玄牲一少退南上設廩犧令位於牲西南祝史陪其後俱北向設諸太祝位於牲東各當牲後祝史陪其後設太常卿省牲位於牲前近北南向設神州地祇酒樽於壇之上下太樽二著樽二犧樽二山罍二在壇上於東南隅北向象樽二山罍二在壇下皆於南陛之東北向西上設配帝著樽二犧樽二象樽二山罍二在壇上於神州酒樽之東北向西上設洗於壇南陛東

在洗東篚在洗西南肆

篚實以中爵

執樽罍篚罍者各於樽

罍篚罍之後各設玉幣之篚於壇之上下樽坫之所祭日未明五刻太史令郊社令升設神州地祇神坐於壇上北方南向席以橐秸設太宗文武聖皇帝神坐於東方西向席以莞設神位各於坐首

省牲器

省牲之日午後十刻去壇二百步所諸衛之屬禁斷行人晡後一刻諸行事之官各服其服郊社令帥府史二

人及齋郎以樽坩罍洗篚幕入設於位晡後二刻太祝廩犧令以牲就膀位贊引引御史謁者引太常卿詣壇東陞升視滌濯於上

于視濯執尊者舉幕告潔

訖引太常卿降復位

謁者進太尉之左白請就門外位謁者贊引各引祭官以下就門外位謁者引太常卿就省牲位南向立廩犧令少前白請省牲退復位太常卿省牲廩犧令前北面舉手曰臚還本位諸太祝各循牲一匝西面舉手曰充俱還本位諸太祝與廩犧令以次牽牲詣厨授太官謁

者引光祿卿詣厨省鼎鑊中視濯漑謁者各引祭官就厨省饌具訖俱還齋所祭日未明十五刻太官令帥宰人以鸞刀割牲祝史以豆取毛血各置於饌所遂烹牲

奠玉帛

祭日未明二刻諸祭官各服其服郊社令良醢令各帥其屬入實樽罍玉幣

凡六尊之次太尊為上實以汎齊著尊次之實以醴齊犧尊次之實

以盎齊象尊次之實以醢齊壺尊次之實以沈齊山罍為下實以清酒配帝著尊為上實以汎齊犧尊次之實以醴齊象尊次之實以盎齊山罍為下實以清酒玄酒各實於五齊之上尊禮神之玉以兩珪有邸幣以玄

太官令帥

進饌者實諸籩豆簋簋入各設於內壝之外饌幔內未
明二刻奉禮郎帥贊者先入就位贊引引御史博士諸
太祝及令史祝史與執樽壘篚罍者入自東壝門當壇
南重行北面西上立定奉禮曰再拜御史以下皆再拜
訖執樽壘篚罍者各就位贊引引御史及諸太祝詣壇
東陞升行掃除於上令史祝史行掃除於下訖各就位未
明一刻太樂令帥工人二舞次入就位文舞入陳於懸
內武舞立於懸南道西謁者引司空入就位立定奉禮

曰再拜司空再拜謁者引司空詣卯陞升行掃除於上

降行樂懸於下訖引復位謁者贊引各引祀官次入就

位立定奉禮曰衆官再拜衆官在位者皆再拜

其先拜者不拜

謁者進大尉之左白有司謹具請行事退復位協律郎

跪俛伏舉麾

凡取物者皆跪俛伏而取以興奠物則奠訖訖俛伏而後立

鼓祝奏順和

之樂乃以函鐘之均作文舞之舞樂舞八成偃麾戛鼓

樂止

凡樂皆協律郎舉麾工鼓祝而後作偃麾戛鼓而後止

奉禮曰衆官再拜衆

官皆再拜上下諸祝俱取玉幣各立於樽所謁者引太

尉詣南陛升壇北向立太祝加玉於幣東向授太尉太尉受玉幣登歌作肅和之樂以應鐘之均謁者引太尉進北向跪奠於神州地祇神坐俛伏興謁者引太尉少退北向再拜訖謁者引太尉立於西方東向又太祝奉幣北向授太尉太尉受幣謁者引太尉進東向跪奠於太宗文武聖皇帝神坐俛伏興謁者引太尉少退東向再拜訖登歌止謁者引太尉降自南陛還本位初衆官拜訖祝史各奉毛血之豆立於門外於登歌止祝史

奉毛血入

正坐升自南陞
配坐升自東陞

諸太祝迎取於壇上各進奠

於神坐前太祝與祝史退立於樽所

進熟

太尉既升奠玉幣太官令出帥進饌者奉饌各陳於內
壝門外謁者引司徒出詣饌所司徒奉神州地祇之俎
諸太祝既奠毛血太官令各引饌入俎初入門雍和之
樂作以太蕤之均饌至陞樂止祝史俱進徹毛血之豆
降自東陞以出

神州之饌升自南陞
配帝之饌升自東陞

諸太祝迎引於壇

欽定四庫全書

大唐開元禮
卷三十二

六

上各設於神坐前

籩豆蓋畢先徹乃升籩
簋既奠却其蓋於下

設訖謁者引

司徒太官令帥進饌者降自東陛以出司徒復位諸太
祝各還樽所謁者引太尉詣壘洗盥手洗匏爵訖謁者
引太尉升自南陛詣神州酒樽所執樽者舉畢太尉酌
汎齊訖樂作謁者引太尉進神州地祇神坐前北向立
跪奠爵興謁者引太尉少退北向立樂止太祝持版進
於神坐之右東向跪讀祝文曰維某年歲次月朔日子
嗣天子臣某謹遣太尉封臣名敢昭告於神州地祇惟

祗色函區夏載植羣生溥被域中賴茲厚德式遵彝典
棟此元辰敬以玉帛犧齊粢盛庶品明獻厥誠備茲禋
盛皇曾祖考太宗文武聖皇帝配神作主尚饗訖興太
尉再拜初讀祝文訖樂作太祝進奠版於神坐還樽所太
尉再拜訖樂止謁者引太尉詣配帝酒樽所取爵於坫
執樽者舉冪太尉酌汎齊訖樂作謁者引太尉進太宗
文武聖皇帝神坐前東向跪奠爵興謁者引太尉少退
東向立樂止太祝持版進於神坐之左北向跪讀祝文

欽定四庫全書

大唐開元禮
卷三十二

七

曰維某年歲次月朔日子孝曾孫開元神武皇帝臣某
謹遣太尉臣名敢昭告於皇曾祖考太宗文武聖皇帝
令月嘉時祇依恒禮用致虔祭於神州地祇惟皇曾
祖叶彼乾坤格於上下昭配之義欽率典常謹以制幣
犧齊粢盛庶品虔恭明薦作主侑神尚饗訖興太尉再
拜初讀祝文訖樂作太祝進奠版於神坐還樽所太尉
再拜訖樂止謁者引太尉進神州地祇神坐前北向立
太祝各以爵酌壘福酒合置一爵一太祝持爵進太尉

之右西向立太尉再拜受爵跪祭酒啐酒奠爵興太祝
各帥齋郎進俎太祝減神前胙肉加於俎以胙肉共置
一俎太祝持俎西向授太尉受以授齋郎太尉跪取爵
遂飲卒爵太祝進受爵復於坫太尉興再拜謁者引太
尉降復位文舞出鼓祝作舒和之樂出訖戛鼓樂止武
舞入鼓祝作舒和之樂立定戛鼓樂止初太尉獻將畢
謁者引太常卿詣壘洗盥手洗匏樽訖謁者引太常卿
自東陞升壇詣神州地祇著樽所執尊者舉冪太常卿

酌醴齊訖武舞作謁者引太常卿進神州地祇神座前
北向跪奠爵興謁者引太常卿少退北向再拜訖謁者
引太常卿詣配帝犧樽所取爵於坫執爵者舉罍太常
卿酌醴齊謁者引太常卿詣太宗文武聖皇帝神座前
東向跪奠爵興謁者引太常卿少退東向再拜訖謁者
引太常卿進神州地祇神座前北向立太祝各以爵酌
釁福酒合置一爵一太祝持爵進太常卿之右西向立
太常卿再拜受爵跪祭酒遂飲卒爵太祝進受爵復於

圻太常卿再拜謁者引太常卿降復位初太常卿獻將
畢謁者引光祿卿詣纍洗盥手洗匏爵升酌盞齊終獻
如亞獻之儀訖謁者引光祿卿降復位武舞六成樂止
舞獻俱畢諸太祝各進徹豆還尊所徹者籩豆各一
少移於故處奉

禮曰賜胙贊者唱衆官再拜衆官在位者皆再拜

已飲
福受

胙者
不拜

順和之樂作奉禮曰衆官再拜衆官在位者皆再

拜樂一成止謁者進太尉之右白請就望座位謁者引
太尉就望座位北向立於羣官將上下諸祝各執籩進

神座前取玉幣齋郎以俎載牲體黍稷餽爵酒各自其
陛降壇北行當瘞炤西行以玉帛饌物置於炤訖奉禮
曰可瘞炤東西廂各六人寘土半炤謁者進太尉之左
白禮畢謁者引太尉出又贊引各引祭官以次出贊引
引御史以下俱復執事位奉禮曰再拜御史以下皆再
拜贊引引出工人二舞以次出其祝版燔於齋所

大唐開元禮卷三十二

欽定四庫全書

大唐開元禮卷三十三

唐蕭嵩等撰

吉禮

皇帝仲春仲秋上戊祭大社

齋戒

陳設

鑾駕出宮

奠玉幣

進熟

鑾駕還宮

齋戒

皇帝散齋三日致齋二日如方丘之儀凡預祭之官散

齋三日致齋二日

散齋皆於正寢致齋一日於本司一日於祭所其無本司者皆於祭所

近侍之官應從升者及從祭羣官諸方客使各於本司

及公館俱清齋一宿

無本司者各於正寢

散齋理事如舊惟不弔

喪問疾不作樂不判署刑殺文書不行刑罰不預穢惡

致齋惟祭事得行其餘悉斷其祭官已齋而闕者通攝

行事光祿卿監取明水火

太官今取水于陰鑿取火于陽燧火以供饗水以實尊

前祭一日諸衛令其屬末後一刻各以其方器服守衛

社宮門與太樂工人俱清齋一宿

陳設

前祭三日尚舍直長施大次於社宮西門之外道北南向尚舍奉御設御座衛尉設文武侍臣次於大次之後文官在左武官在右俱南向設諸祭官次於齋坊之內三師於北門之外道西諸王於三師之北俱東向南上文官從一品已下九品已上於齋坊南門之外重行東向北上介公鄩公於北門之外道東西向以南為上諸州使人東方南

方於諸王西北東面西方北方於介公鄴公東北西面俱重
行南上武官三品以下九品以上於東門之外道北南向以
西為上諸國之客於東門之外東方南方於武官東北南向
西方北方於道南北向俱以西為上前祭二日太樂令
設宮懸之樂於壇北東方西方磬簾起南鐘簾次之南
方北方磬簾起東鐘簾次之設十二罇鐘於編懸之間
各依辰位樹靈鼓於南懸之內道之左右植建鼓於四隅
置祝敔於懸內

祝在左
敔在右

設歌鐘歌磬各於壇上近北南

向皆磬簋在東鐘簋在西其匏竹者各於壇下重行南

向相對為首

凡懸皆展而編之

諸工人各於懸後東方西方以

南為上南方北方以東為上右校清掃內外又為瘞炤

二於南門之內於稷壇西南方深取足容物北出陞前

祭一日奉禮設御位北門之內當社壇之北南向

將祭奉禮

郎一人守之在位版東北五步所南向

又設望瘞位西門之內當瘞炤南

向祭官公卿位於西門之內道北執事位於其後少北

每等異位俱重行東面以南為上設御史位於壇上正

位於太社壇東北隅西向副位於太稷壇西北隅東向設奉禮位於樂懸西北贊者二人在北差退俱東面南上又設奉禮贊者位於瘞垣西北東向北上設協律郎位各於壇之上東北隅俱西向設太樂令位於南懸之間南向設從祭之官位三師位於北門之內道西諸王位於三師之西俱南面東上設介公鄒公位於道東南面西上文官從一品以下九品以上位於執事之北每等異位重行東向武官三品以下九品以上位於

東方值文官每等異位重行西向皆以南為上諸州使人位東方南方於北門之內道西於諸王西北重行南向以東為上西方北方於道東於介公鄆公東北重行南向以西為上設諸蕃客位於北門之內東方南方於諸州使人之西每國異位俱重行南面以東為上西方北方於諸州使人之東每國異位俱重行南面以西為上設門外位祭官公卿以下皆於西門之外道南每等異位重行北向以東為上三師位於北門之外道西諸

王於三師之北俱東向介公鄒公位於道東西向皆以南
為上文官從一品以下九品以上位於西門之外祭官之
南每等異位重行北面以東為上武官三品以下九品以
上位於東門之外道北每等異位重行南面以西為上諸
州使人東方南方於諸王西北重行東面西方北方於介
公鄒公東北西面俱南上設諸國客位東方南方於武官
東北每國異位俱重行南向西方北方於道南每國異位
重行北向皆以西為上設酒樽之位太社太樽二著樽二

山壘一在壇上西北隅南向設后土氏象樽二著樽二山壘

一於太社酒樽之西俱南向東上各置於坫皆加勺罍

爵皆置於

尊下設太稷后稷酒樽於其壇上如太社后土之儀設御洗各

於太社太稷壇之西北南向亞獻之洗又各於西北俱南向

壘水在洗西篚在洗東北肆

篚實以巾爵

執樽壘篚罍者位於樽

壘篚罍之後各設玉幣之篚於壇上樽坫之所晡後謁者

引光祿卿詣厨省饌具訖還齋所祭日未明十五刻太官令

帥宰人以鸞刀割牲祝史以豆取毛血置饌所遂烹牲未明

五刻太史令郊社令升設太社太稷神坐各於壇上近南北
向設后土氏神坐於太社神坐之左后稷氏神坐於太稷神
坐之左俱東向席皆以莞設神位各於坐首

鑾駕出宮如方丘之儀

奠玉帛

祭日未明三刻諸祭官各服其服郊社令良醞令各帥其屬

入實樽罍玉幣

太樽為上實以醴齊著樽次之實以盞齊山
罍為下實以清酒配坐之尊亦如之玄酒各

實於五齊之上尊禮神之玉太社
太稷俱以兩珪有邸幣皆以玄也

太官令帥進饌者實諸樽

豆簋簋皆設於神厨未明二刻奉禮帥贊者先入就位贊

引引御史諸太祝及令史祝史與執樽罍篚冪者入自西

門當太社壇北重行南面以東為上

凡引導者每曲一逡巡

立定奉

禮曰再拜贊者承傳

凡奉禮有詞贊者皆承傳

御史以下皆再拜訖執

樽者各升自西陞立於樽所執罍洗篚冪者各就位贊引

引御史諸太祝詣太社壇西陞升行掃除於上令史祝史

行掃除於下降又詣太稷壇行掃除如太社之儀訖各引

就位駕將至謁者贊引各引祭官通事舍人分引從祭羣

官客使先至者俱就門外位駕至大次門外迴輅南向將軍降立於輅右侍中進當鑾駕前跪奏稱侍中臣某言請降輅俛伏興還侍位皇帝降輅之大次謁者引文武五品以上從祭之官皆就門外位太樂令帥工人二舞次入就位文舞入陳於懸內武舞立於懸北道東謁者引司空入就位立定奉禮曰再拜司空再拜訖謁者引司空詣壇西陞升行掃除於上升太稷壇亦如之訖降行樂懸於下訖引就門外位皇帝停大次半刻頃謁者贊引各引祭

官通事舍人分引從祭文武羣官介公鄺公諸國客使

先就位太常博士引太常卿立於大次門外當門北向

侍中版奏外辦皇帝服黼冕出次華蓋侍衛如常儀

侍中

員墜陪從如式

博士引太常卿太常卿引皇帝

凡太常卿前導皆博士先引

至

社宮西門外殿中監進大珪尚衣奉御又以鎮珪授殿中

監殿中監受進皇帝搢大珪執鎮珪華蓋仗衛停於門

外近侍者從入如常謁者引禮部尚書太常少卿陪從

如常皇帝至版位南向立

每立定太常卿與博士退立於左

謁者贊引各

引祭官以次就位立定太常卿前奏稱請再拜退復位

皇帝再拜奉禮曰衆官再拜衆官在位者皆再拜

其先拜者

不拜太常卿前奏有司謹具請行事退復位協律郎跪俛

伏舉麾

凡取物者皆跪俛伏而取以興奠物則跪奠訖俛伏而後興

鼓祝奏順和之

樂乃以函鍾之均文舞八成偃麾戛敔樂止

凡樂皆協律郎舉麾鼓祝

而後作偃麾戛敔而後止

太常前奏稱請再拜退復位皇帝再拜奉

禮曰衆官再拜衆官在位者皆再拜諸太祝俱取玉幣

於篚各立於樽所太常卿引皇帝太和之樂作

皇帝每行皆作

太和樂 皇帝詣太社壇升自北陛侍中中書令以下及左

右侍衛量人從升

以下皆如之

皇帝升壇南向立樂止太祝

加玉於幣以授侍中侍中奉玉幣西向進皇帝搢鎮

珪受玉帛

凡受物皆搢鎮珪真訖執珪俛伏興

登歌作肅和之樂乃以

應鐘之均太常卿引皇帝進南向跪奠於太社神坐

俛伏興太常卿引皇帝少退南向再拜訖太常卿引

皇帝立於東方西向又太祝以幣授侍中侍中奉幣

南向進皇帝受幣太常卿引皇帝西向進跪奠於后

土氏神坐俛伏興太常卿引皇帝少退西向再拜訖
登歌止太常卿引皇帝降自北陛樂作太常卿引皇
帝詣太稷壇升自北陛南向立樂止太祝加玉於幣以
授侍中侍中受玉帛西向進皇帝受玉帛登歌作太常
卿引皇帝進南向跪奠於太稷神坐俛伏興太常卿引
皇帝少退南向再拜訖太常卿引皇帝立於東方西向
又太祝以幣授侍中侍中奉幣南向進皇帝受幣太常
卿引皇帝進西向跪奠於后稷氏神坐俛伏興太常卿

引皇帝少退西向再拜訖登歌止太常卿引皇帝降自北陛
樂作皇帝還版位南向立樂止初羣官拜訖祝史各奉
毛血之豆立於門外登歌止祝史奉毛血入各由其陛
升諸太祝迎取於壇上俱進奠於神坐前諸太祝與祝
史退立於尊所

進熟

皇帝既升奠玉帛太官令出帥進饌者奉饌陳於西門
外謁者引司徒出詣饌所司徒奉太社之俎初皇帝既

欽定四庫全書

大唐開元禮
卷三十三

九

至位樂止太官令引饌入太社太稷之饌入自正門配坐之饌入自左閭俎初入門雍和之樂作以太簇之均饌至陞樂止祝史各進徹毛血之豆降自西陞以出太社太稷之饌升自北陞配座之饌升自西陞諸太祝迎取於壇上各

設於神坐前

遵豆蓋舉先徹乃升簋蓋既奠却其蓋於下

設訖謁者引司徒以下降

自西陞復位諸太祝還樽所太常卿引皇帝詣罍洗樂作皇帝至罍洗樂止侍中跪取匱興沃水又侍中跪取盤興承水皇帝盥手黃門侍郎跪取巾於篚興進皇帝悅手

訖黃門侍郎受巾跪奠於篚黃門侍郎又取爵於篚興
進皇帝受爵侍中酌壘水又侍中奉盤皇帝洗爵黃門
侍郎又授巾皆如初皇帝拭爵訖侍中奠盤匱黃門侍
郎受巾奠於篚皆如常太常卿引皇帝樂作皇帝詣太
社壇升自北陛樂止謁者引司徒升自西陛立於樽所
齋郎奉俎從升立司徒之後太常卿引皇帝詣太社酒
樽所執樽者舉冪侍中贊酌醴齊壽和之樂作

皇帝每
酌獻及

飲福皆作
壽和之樂

太常卿引皇帝進太社神前南向跪奠爵俛

伏興太常卿引皇帝少退南向立樂止太祝持版進於
神坐之右西面跪讀祝文曰維某年歲次月朔日子嗣
天子某敢昭告於太社惟神德兼博厚道著直方載生
品物含弘庶類謹因仲春仲秋祗率常禮敬以玉帛一

元大武彘毛剛鬣明粢薌合鄉其嘉蔬嘉薦醴齊脩茲禋
瘞用申報本以后土勾龍氏配神作主尚饗訖興皇帝
再拜初讀祝文訖樂作太祝進奠版於神坐還樽所皇
帝拜訖樂止太常卿引皇帝詣后土氏酒樽所執樽者

舉冪侍中取爵於坫進皇帝受爵侍中贊酌醴齊樂作
太常卿引皇帝進后土氏神坐前西向跪奠爵俛伏興
太常卿引皇帝少退西向立樂止太祝持版進於神座
之左南面跪讀祝文曰維某年歲次月朔日子嗣開元神
武皇帝某敢昭告於后土氏爰茲仲春仲秋揆日惟吉
敬修恒事薦於太社惟神功著水土平易九州昭配之
義實惟通典謹以制幣一元大武柔毛剛鬣明粢薌合
鄉其嘉蔬嘉薦醴齊旅於表位作主侑神尚饗訖興皇帝再

拜初讀祝文訖樂作太祝進奠版於神座還樽所皇帝
拜訖樂止太常卿引皇帝進太社神坐前南向立樂作
太祝各以爵酌上罇福酒合置一爵一太祝持爵授侍
中侍中受爵東向進皇帝再拜受爵跪祭酒啐酒奠爵
俛伏興太祝帥齋郎進俎太祝減太社神座前三牲胙
肉置一俎上太祝以俎授司徒司徒持俎東向以次進皇
帝每受以授左右皇帝跪取爵遂飲卒爵侍中進受爵
以授太祝太祝受爵復於坫皇帝俛伏興再拜樂止太

常卿引皇帝樂作皇帝降自北陛詣罍洗樂止謁者引
司徒降壇西陛以從皇帝至罍洗盥手洗爵侍中
黃門侍郎贊洗如常訖太常卿引皇帝樂作皇帝詣太
稷壇升自北陛樂止謁者引三公與齋郎奉俎升自西
陛立於樽所皇帝詣太稷酒樽所執樽者舉罍侍中贊
酌醴齊樂作太常卿引皇帝進太稷神坐前南向跪奠
爵俛伏興太常卿引皇帝少退南向立樂止太祝持版
進於神座之右西面跪讀祝文曰維某年歲次月朔日子

嗣天子某敢昭告於太稷維神播生百穀首茲八政用

而不匱功濟萌黎茲惟仲春仲秋敬以玉帛一元大武

柔毛剛鬣明粢薌合薌其嘉蔬嘉薦醴齊式陳瘞祭備修

常秩以后稷配神作主尚饗訖興皇帝再拜初讀祝文訖

樂作太祝進奠版於神座還樽所皇帝拜訖樂止太常

卿引皇帝詣后稷氏酒樽所執樽者舉幕侍中取爵於

玷進皇帝受爵侍中贊酌醴齊樂作太常卿引皇帝進

后稷氏神座前西向跪奠爵俛伏興太常卿引皇帝少

退西向立樂止太祝持版進神座之左南面跪讀祝文

曰維某年歲次月朔日子嗣開元神武皇帝某敢昭告

於后稷氏爰以仲春

仲秋

式揀吉辰敬修恒禮薦於太稷惟

神功叶稼穡闢修農政允茲從祀用率舊章謹以制幣一

元太武柔毛剛鬣明粢薌其嘉蔬薦醴齊陳於表位作主

配神尚饗訖興皇帝再拜初讀祝文訖樂作太祝進奠服

於神座還樽所皇帝拜訖樂止太常卿引皇帝進太稷

神坐前南向立樂作皇帝飲福受胙如太社之儀訖樂

止太常卿引皇帝樂作皇帝降自北陛還版位南向立
樂止謁者引司徒降自西陛復位文舞出鼓枹作舒和
之樂出訖戛敔樂止武舞入鼓枹作舒和之樂立定戛
敔樂止皇帝獻后上氏將畢謁者引太尉詣罍洗盥手
洗爵訖太尉自西陛升壇詣太社酒樽所執樽者舉罍
太尉酌盞齊武舞作謁者引太尉進太社神座前南向
跪奠爵興謁者引太尉少退南向再拜謁者引太尉詣
后土氏酒樽所取爵於坫執樽者舉罍太尉酌盞齊謁

少退南向再拜謁者引太尉詣后土氏酒樽所取爵於坫執樽者舉舉太尉酌盎齊謁者引太尉進后土氏神座前西向跪奠爵興謁者引太尉少退西向再拜訖謁者引太尉進太社神座前南向立太祝各以爵酌罍福酒合置一爵一太祝持爵進太尉之右東向立太尉再拜受爵跪祭酒遂飲卒爵太祝進受爵復於坫太尉興再拜謁者引太尉降自西陛詣罍洗盥手洗爵詣太稷壇升獻如太社之儀訖引降復位初太尉獻后土將畢謁者引光祿卿詣罍洗盥手洗爵升酌盎

辭終獻如亞獻之儀訖謁者引光祿卿降復位武舞六成樂

止舞獻俱畢詣太祝各進徹豆還尊所

徹者籩豆各一少移于故處

奉禮曰

賜胙贊者唱衆官再拜衆官在位者皆再拜

已飲福受胙者不拜

順和

之樂作太常卿前奏稱請再拜退復位皇帝再拜奉禮曰衆

官再拜衆官在位者皆再拜樂一成止太常卿前奏請就望

瘞位太常卿引皇帝樂作皇帝就望瘞位南向立樂止於羣

官將拜諸太祝各執篚進神座前取玉幣齋郎以俎載牲醴

黍稷飲爵酒各由其陞降壇南行當瘞埒西行諸太祝以玉

幣饌物置於埴訖奉禮曰可瘞埴東西各四人寘土半
埴太常卿前奏禮畢太常卿引皇帝還大次樂作皇帝
出門殿中監前受鎮珪以授尚衣奉御殿中監又前受
大珪華蓋侍衛如常儀皇帝入次樂止謁者贊引各引祭
官通事舍人分引從祭羣官諸方客使以次出贊引引
御史以下俱復執事位立定奉禮曰再拜御史以下皆
再拜訖贊引引出工人二舞以次出其祝版燭於齋坊

鑾駕還宮如方丘之儀

欽定四庫全書

大唐開元禮
卷三十三

三

大唐開元禮卷三十三